

RAZZIA

Tres hende deteni y mas di 170 mata di marihuana confisca

Diario
www.diario.aw
Un Bandera... Un Escudo... Un Himno... Un DIARIO
Telefon 582-6747 • Fax 582-8551 • P.O. Box 577 • Engelandstraat 29 • noticia@diario.aw
CELEBRANDO 35 AÑA CU PUEBLO Aña 37 • No. 10537 • 1,50 Florin
DIABIerna 8 JANUARI 2016

CRIMEN

Polis a logra gara dos atracador na Kudawecha

Na ultimo minuut Fundacion MUSICA a drop e contest


Caiso & Soca Monarch Cancela

ORANJESTAD (AAN): Cu gran fanfaria, e musiconan cu a agrupa den e Fundacion MUSICA na Aruba, a indica algun aña pasa cu nan ta bay haci cambionan grandi den e evento di Calypso & Roadmarch Contest na Aruba. Esey tabata e epoca cu musiconan tabatin e pensamentu cu e organizador di Carnaval, SAC, lo ta ganando placa na monton cu e evento.

Musiconan porfin a haya chens pa organiza e evento, y hasta a cambia e nomber y el a bira Caiso & Soca Monarch Contest.

Den apenas un par di aña, a bira ripara cu e evento no ta e "cash cow" pa yena e fundacion cu placa! Y awor na 2016, apenas 12 dia prome cu e Contest tin di tuma lugar, Fundacion MUSICA ta tira serbette den ring y ta bisa cu nan no por mas.

Un reunion urgente teni Diahuebs atardi entre e organizador actual di Carnaval, Fundacion SMAC y tambe MUSICA a bira e ora cero pa e revelacion aki. MUSICA no por organiza e contest, pasobra nan no tin



sponsor.

Siendo cu for di luna di October 2015 caba, SMAC ta ocupa ta "poke" MUSICA pa haya sa si nan ta organiza of no. MUSICA a keda tene SMAC na liña te fecha 7 di Januari 2016 pa bisa... "sorry".

SMAC tabatin intencion pa awemainta core yama reunion cu lidernan di banda pa wak si nan lo kier yuda organiza e Contest, hunto cu e cuatro companianan cu a ofrece yudanza pa prepara esaki. Pero Diahuebs anochi mes a dicidi na contact e bandanan, y a bin nota cu no tin interes mas.

E ora a tuma decision caba, cu pa Carnaval 62, Caiso & Soca Monarch a wordo cancela. Pero tog tin algun grupo cu a traha algun composicion nobo, y posiblemente awor lo djis bay organiza un competencia sea via social media of radio, pa escoge e mihor, y na final den Parada lo saca e Roadjam tambe.

Si acaso desde October aña pasa MUSICA a duna contesta cu nan no por, e ora SMAC lo por ta mihor prepara pa tene e evento riba nan mes, y kizas hasta por a cambia e nomber bek na Calypso & Roadmarch Contest.

CONFLICTO

Mike Eman y Otmar Oduber no a topa ainda


ORANJESTAD (AAN): Un di e ultimo hendenan cu el a papia cune prome cu drenta oficina di Gobernador tabata Prome Minister mr. Mike Eman, asina mes ainda Minister Otmar Oduber no a topa e prome mandatario y alavez lider di AVP. Diabierna mainta Prome Minister Eman tin un reunion cu Gobernador Fredis Refunjol. E reunion cu Gobernador tabata planea pa diahuebs mainta, pero e prome mandatario a opta pa pospone dicho audiencia cu un dia y a pidi Gobernador pa haci e encuentro diabierna. No ta conoci si den e periodo ey e lo kier a papia cu Minister Oduber ainda

of uza e tempo pa papia cu otro conseheronan internamente. Fuentenan a splica cu ainda e dos mandatarionan no a papia. Minister Otmar Oduber no a bay traha na oficina Diahuebs, y henter mainta Minister Eman tampoco a bay oficina. Despues di e reunion cu Gobernador diabierna mainta lo por haya mas indicacion di ki direccion e proceso aki lo tuma. Tin varios escenario, manera pa uza Gobernador como un mediador, pa ambos Minister topa nan dos so y despues cu e 7 otro coleganan.



PREPARA BO RECETA CU KESHI FRICO Y GANA MAS DI AFL. 3,500.00 NA Premio!

Upload bo receta awe mes riba
www.FricoRecipeContest.com



Awo cu 2 florin mas, bo por gana e MEGA PLUS

*Afl.

410.000,-

*Afl. 310.000,- + Afl. 100.000,-

Obtenibel na cualkier rebendado di Lotto.

sorteo ta awe noch

extra

